



2.18 - Parimi biblik - Kundërsulmi

(2.18 - The Bible Principle - The Counter Attack)
(Shkrimet nga ALBB)

Shkrimet bazë:

Mateu 12: 43-45

Referoju edhe temave:

2.17 - Fushëbetejat e mendjes dhe mishit

1. Kjo është ajo ku shumica e të krishterëve humbasin betejat e tyre dhe grabiten nga fitoret e tyre.

Sa herë si i krishterë ke luftuar një betejë në frymë dhe në të natyrshmen, ke marrë fitoren, por pastaj ke qenë i sfiduar sërish nga armiku dhe më pas ke humbur?

- Pse ndodh kjo dhe si mund ta parandalojmë që kjo të mos ndodhë në të ardhmen?
- Cili është plani dhe mënyra e veprimit të satanit?

Një ilustrim themelor:

Në shumë luftëra do të shohësh për shembull se si ushtria "A" lufton ushtrinë "B" dhe fiton një fitore ndaj ushtrisë "B", dhe për shkak të kësaj fitore ushtria "A" ndihet e sigurtë, relaksohet dhe beson se ushtria "B" është krejtësisht e mposhtur. Vetëm më vonë zbulon se ushtria "B" nuk është mposhtur krejtësisht dhe ka hartuar një kundërsulm, i cili e mposht ushtrinë "A", sepse ushtria "A" e ka lënë rolin e saj dhe ka pak ose aspak rezistencë ndaj kundërsulmit.

- Ky është gjithashtu parimi që satani përdor kundër besimtarit të rilindur dhe Jezusi na paralajmëron **për këtë parim të "kundërsulmit"**.

Mateu 12: 43-45

⁴³ **"Tani kur fryma e ndyrë ka dalë nga një njeri, endet nëpër vende të thata, duke kërkuar qetësi, por nuk e gjen.** ⁴⁴ **Atëherë thotë: 'Do të kthehem në shtëpinë time, nga kam dalë';** Po kur arrin, **e gjen të zbrazët, të pastruar dhe të zbkuruar.** ⁴⁵ **Atëherë shkon e merr me vete shtatë frymëra të tjera më të liga se ai, të cilët hyjnë dhe banojnë aty; kështu gjendja e fundit e këtij njeriut bëhet më e keqe nga e mëparshmjia. Kështu do t'i ndodhë edhe këtij brezi të mbrapshtë".**

- Fjala e Perëndisë na paralajmëron në këto shkrime të shenjta se kur të kesh një fitore, sigurohu që ta ruash fitoren me Fjalën e Zotit dhe me besimin, sepse armiku do të përpiqet përsëri për të rimarrë fitoren ose tokën (shtëpinë) dhe pastaj do të jetë më keq se para betejës së parë të besimit.

2. Një shembull i thjeshtë shërimi.

Një person është i sëmurë dhe ka kancer, dhe mjeku i thotë se do të vdesë, kështu që ai shkon në Bibël, tek Fjala e Perëndisë, premtimet e Tij, gjen shkrimin për shërim, beson, e rrëfen atë, lufton luftën e mirë të besimit dhe merr shërimin me anë të besimit. Pas një kohe kanceri largohet krejtësisht dhe personi është shëruar. Pas një kohe, simptomat kthehen tek trupi i personi dhe ai fillon të mendojë, të rrëfejë dhe të dyshojë që Perëndia e shëroi herën e parë. Kanceri kthehet në trupin e tij sepse personi ka hapur derën për shëndetin e tij **përmes mendimeve të pakufizuara (shthurja)** dhe pastaj ai e humbet shërimin e tij dhe kjo quhet - **KUNDËRSULM!** (Referoju temës: 2.17 - Fushëbetejat e mendjes dhe mishit.)



2.18 - Parimi biblik - Kundërsulmi

Personi u shërua herën e parë nga Perëndia dhe nëpërmjet Fjalës së Tij në emrin e Jezusit. **Personi u bë i sigurt dhe i relaksuar në pozitën e besimit dhe nuk mbajti ose nuk mbroi shërimin që kishte marrë.** Satani ushtroi presion nëpërmjet simptomave dhe mendimeve për ta bërë atë të besojë se nuk kishte qenë i shëruar. Personi fillon të flasë: "Mendoj se nuk jam shëruar" dhe ai merr atë që rrëfen.

Të marrë shërimin për herë të dytë është më e vështirë se herën e parë, sepse personi mendon se Perëndia nuk e shëroi herën e parë, kështu që pse duhet që Perëndia ta shërojë për herë të dytë, dhe kështu vjen dyshimi, mosbesimi dhe humbja. Kjo mund të ndodhë në çdo fushë të jetës së një personi, jo vetëm tek shërimi, por edhe tek financat, martesat, familja, biznesi, shërbesa, etj.

3. Davidi dhe kundërsulmi.

1 Samuel 17 (Historia e Davidit dhe Goliathit)

1 Samuelit 17: 31-37

³¹ Sa dëgjuan fjalët që Davidi kishte thënë, ia treguan Saulit dhe ky dërgoi njerëz që ta thërresin. ³² Davidi i tha Saulit: "Asnjëri të mos ligështohet për shkak të tij! Shërbëtori yt do të shkojë të luftojë me këtë Filiste". ³³ Atëherë Sauli i tha Davidit: "Ti nuk mund të shkosh me këta Filistej për të luftuar kundër tij; sepse ti je një i ri dhe një njeri i luftës që në fëmijërinë e tij". ³⁴

Por Davidi iu përgjigj Saulit: "Shërbëtori yt kulloste kopenë e atit të tij; kur një luan ose një ari vinte për të rrëmbyer një dele nga kopeja, ³⁵ **unë e ndiqja, e godisja dhe ia rrëmbeja nga goja; në qoftë se ai kthehej kundër meje, unë e kapja nga krifa, e godisja dhe e vrisja.** ³⁶ Po, shërbëtori yt ka vrarë luanin dhe ariun; dhe ky filiste i parrethprerë do të pësojë të njëjtin fat, sepse ka fyer ushtrinë e Perëndisë të gjallë". ³⁷ Davidi shtoi: "Zoti që më shpëtoi nga kthetrat e luanit dhe nga panxa e ariut, do të më shpëtojë edhe nga dora e këtij filisteu". Atëherë Sauli i tha Davidit: "Shko dhe Zoti qoftë me ty".

1 Samuelit 17: 34-36

³⁴ And David said to Saul, Your servant kept his father's sheep. And when there came a lion or again a bear and took a lamb out of the flock, ³⁵ **I went out after it and smote it and delivered the lamb out of its mouth; and when it arose against me, I caught it by its beard and smote it and killed it.** ³⁶ Your servant killed both the lion and the bear; and this uncircumcised Philistine shall be like one of them, for he has defied the armies of the living God! (AMPC)

- v31-37 - Besimi i Davidit në Perëndinë dhe rrëfimi i besimit, e solli atë para mbretit.
- Davidi tha që mos t'i lëshonte zemra, sepse ai do të luftonte - **Davidi** ishte një njeri besëlidhës, i cili **mendoi së pari mbi besëlidhjen e tij dhe premtimet e Perëndisë** sesa madhësia e armikut.
- Sauli i thotë Davidit se ai është vetëm një i ri dhe Goliathi është stërvitur si njeri i luftës që nga rinia e tij.
- Davidi i kujton Saulit kohën kur ariu dhe luani erdhën për të marrë qengjat nga kopetë e tij, si ai i ndoqi, i luftoi dhe i mundi.
- Davidi thotë se kur luani **ngrihej përsëri**, ai e kapte atë nga mjekra, e godiste dhe e vriste. Asnjë njeri i zakonshëm apo i ri nuk mund ta kishte bërë këtë, ishte vajosja mbi të!

Dy herë, me betejat me luanin dhe ariun, ata u ngritën kundër Davidit, pasi ai fillimisht i kishte goditur me gurë dhe hobenë e tij. Ata u rrëzuan, por jo të vdekur. Davidi kishte mësuar nëpërmjet këtyre dy betejave me luanin dhe ariun se sa e rëndësishme ishte që të sigurohej që armiku kishte vdekur plotësisht, dhe kështu me Goliathin, Davidi u siguroi absolutisht duke ia prerë kokën Goliathit; Davidi u siguroi që ai kishte fitoren e plotë dhe se nuk kishte asnjë shans që ky mal të ngrihej përsëri.



2.18 - Parimi biblik - Kundërsulmi

4. Davidi dhe fitorja e plotë.

1 Samuelit 17: 48-51

⁴⁸ Kur filisteu lëvizi dhe shkoi përpara për t'u ndeshur me Davidin, edhe Davidi nxitoi menjëherë drejt mejdanit, ballë filisteut; ⁴⁹ vuri dorën në thes, nxori prej tij një gur, e hodhi me hobenë dhe e goditi në ballë filisteun; guri iu fut në ballë dhe ai ra me fytyrë për tokë. ⁵⁰ Kështu Davidi me një hobe dhe një gur mundi filisteun; e goditi dhe e vrau, megjithëse Davidi nuk kishte asnjë shpatë në dorë. ⁵¹ **Pastaj Davidi vrapoi, u hodh mbi filisteun, ia mori shpatën dhe e vrau duke i prerë me të kokën. Kur filistenjtë e panë që heroi i tyre vdiq, ikën me vrap.**

- Në luftën tonë të besimit me Fjalën e Perëndisë mbi çdo situatë, ne duhet të sigurohemi që të vazhdojmë deri në fund, derisa të kemi fitoren në duart tona (siç bëri Davidi me kokën e Goliathit) dhe të mos pushojmë dhe të mos rehatohemi vetëm sepse nuk ka më presion apo simptoma. Kjo nuk është koha për të pushuar.
- **Çdo sprovë** nëpër të cilën kalojmë, do të **bëhet një dëshmi** në qoftë se ne kalojmë nëpër betejë dhe kemi një fitore të plotë, sepse ne fitojmë më anë të gjakut të Qengjit dhe fjalës së dëshmisë sonë.

5. Dëshmi nga jeta reale.

Ndërsa isha duke u rritur në besimin tim të krishterë, njoha një person që kishte leuçemi dhe dëgjova dëshminë e saj se si Perëndia e kishte shëruar atë plotësisht nga ajo sëmundje.

Ajo dhe bashkëshorti i saj kishin provuar gjithçka për t'u shëruar në një periudhë dyvjeçare duke përfshirë edhe mjekët e huaj e trajtime të veçanta, para se të vinte më në fund te Perëndia duke i kërkuar atij ndihmë dhe shërim. Ata u rilindën, studiuuan Fjalën e Tij, besuan dhe përfundimisht ajo mori shërimin e saj të plotë dhe u konfirmua dhe lajmi doli edhe në gazeta.

Disa vjet më vonë nëna e saj mori të njëjtën sëmundje të leuçemisë, u sëmur. Vajza ishte prekur aq shumë nga nëna e saj që kishte këtë sëmundje, sa që edhe ajo pati përsëri këtë sëmundje dhe më vonë vdiq. Pas bisedës me burrin e saj e kuptova se pas shërimit të saj të parë, ata ishin relaksuar në ecjen e tyre të besimit, duke mbrojtur dhe mbajtur shërimin e tyre dhe sëmundja ishte kthyer **përmes parimit të kundërsulmit**.

6. Një fjalë e fundit

Ndërsa jemi në këtë tokë si besimtarë, do të përballemi me kundërsulme në luftën frymërore. Nga kjo temë, tani duhet të kuptosh se si vepron satani në këtë fushë dhe gjithashtu se çfarë duhet të bësh për të ndaluar kundërsulmin dhe për të mbrojtur dhe mbajtur fitoren tënde në emrin e Jezusit!

JEZUSI ËSHTË ZOT!



2.18 - Parimi biblik - Kundërsulmi